


Pannakisarita Maipapan Kadagiti Pagannurotan

Usarem daytoy a worksheet tapno mapanunotmo dagiti pagimbagan ti pagannurotan a narigat, para kenka, a suroten.

Mabalinmo met nga usaren daytoy no makisaritaka kadagiti nagannakmo.



▶ Apay a saanmo a kayat ti pagannurotan?

▶ Adda kadi paset ti pagannurotan a *kayatmo* a suroten?

▶ Panagkunam, apay nga inaramid dagiti nagannakmo dayta a pagannurotan?

▶ Panagkunam, adda kadi saanda nga inkabilangan idi inaramidda ti pagannurotan? No adda, ania dayta?

▶ Ania ti kayatmo a mabaliwan iti pagannurotan?

**No kas pagarigan ta ibagam
iti nagannakmo a baliwanda
ti pagannurotan, ania ngata
ti sungbatda?**



▶ Apay ngata a kasta ti reaksionda?

▶ Uray no medio nabayag, ania ti maaramidam tapno patiendaka? (Makatulong: Sao baybay-an, aramid pakakitaan.)

▶ Ania ngata ti kangrunaan a pampanu-noten dagiti nagannakmo?

▶ Ipapanmo nga adda anakmo a tin-edyer. Aramidem kadi met ti pagannurotan nga inaramid dagiti nagannakmo? No wen, ania dayta, ken apay?

KASANO KAADUN A PANAGTALEK TI NAURNONGMO?

Maurmong ti panagtalek. Mangisuratka iti sumagmamano a banag a mabalina a nangkissay iti panagtalek dagiti nagannakmo kenka.



Mangisuratka iti sumagmamano a banag a nangnayon iti panagtalek dagiti nagannakmo kenka.





Adu kadin ti ‘urnongmo’ iti ‘banko iti panagtalek’ tapno pakisaritaamon daytoy kadagiti nagannakmo—wenna masapul nga agurnongka pay?



No panagkunam a nasaysayaat nga agurayka pay, ania ti mabalinmo nga aramiden tapno manayonam ti ‘urnongmo’ iti ‘banko iti panagtalek’?

TIP: Ipakitam kadagiti nagannakmo ti nakompleto a worksheet sa pagsasaritaanyo dayta.

No *makisaritakan* kadagiti nagannakmo, laglagipem ti kuna ti Biblia: “Ti maysa a sungbat, no naalumamay, pagbaw-ingenna ti pungtot, ngem ti sao a makapasakit parnuayenna ti unget.”
—Proverbio 15:1.



AMMOM KADI? Dagiti prinsipio iti daytoy a worksheet ket makatulong met kenka no masapul a makisaritaka iti boss-mo maipapan kadagiti pagannurotan iti pagtrabahuam.

“Ti panagtulnog kadagiti pagannurotan dagiti dadakkelmo ket mayarig iti panagbayad iti utang iti banko—no paneknekam a mapagtalkanka, ad-adda met nga ikkandaka ti gundaway nga umutangto manen.”—Manipud iti *Dagiti Saludsod nga Iyimtuod ti Agtutubo—Dagiti Sungbat nga Epektibo*, Tomo 2.